

Relationen hiervon / als nemlich hie fol. 37. fol. 63. und 64. lesen / so wird er zimliche contraria spühren / und frewet mich / daß er bekennet / daß ichs ihme gegen Handschrisse gegeben habe / so er nimmer herausz kragen kan / aber gewiß mit trucken lassen wird / zwar falsch kan es wol geschehen / ist aber das beste / daß ich dessen auch lebendige Zeugen zu Riskingen habe / denen ers selbig malen selbst erzehlt. Was nun dieses vor ein Eynd seyn werde / dessen er sich hier vermessen / kan ein jeder selber urtheilen.

Fol. 52. will er den Ehebruch mit einer fingirten Ehescheidung bemänteln / ist aber einiger Bewiß nicht darbey ; dann ich von Herrn Saltwedeln (dessen er fol. 67. gedencket) und andern berichtet / daß sein Weib des Ehebruchs zwar bezüchtiget / sie es aber / da sie wider bey Cassel in Hessen ankommen / höchst bethewert hab / daß sie an ihm nicht ehebrüchig oder trewlos worden seye / sondern habe sich bis dato alldorten herum ehrlich auffgehalten / und gar nicht / wie er hie schreibet / in Francreich kommen / so sich besser erweisen lassen möchte / und zwar wird ihme ohne das niemand glauben / daß er ein